

MONITORING RADA

VLADE BOSANSKO-PODRINJSKOG
KANTONA GORAŽDE
ZA PERIOD 2006. - 2010. GODINE

septembar 2010. godine

SADRŽAJ

SADRŽAJ	2
UVOD	3
DINAMIKA RADA VLADE BPK.....	5
REALIZACIJA PROGRAMA I ZAKONA.....	6
ANTIRECESIJE MJERE.....	6
PROGRAMIRANJE	7
KOORDINACIJA RADA VLADE I SKUPŠTINE	7
BUDŽETIRANJE.....	7
OCJENA FEDERALNOG REVIZORA.....	9
JAVNOST RADA SKUPŠTINE.....	9
STRATEGIJE.....	9
SMANJENJE NEZAPOSLENOSTI.....	10
PLATE	11
REALIZACIJA PLANOVA MINISTARSTAVA	11
MINISTRI KAO KANDIDATI NA IZBORIMA 2010. g.....	13
DODATAK– STATISTIČKI PREGLED O STANJU NEZAPOSLENOSTI U BPK.....	15
DODATAK - ZAHTEVI IZ GRAĐANSKE PLATFORME.....	17

UVOD

Ovaj dokument predstavlja izvještaj o nalazima monitoringa rada Vlade Bosansko-podrinjskog kantona Goražde za mandatni period 2006.-2010. godine¹ u kojem je dat pregled rezultata rada ove institucije, nezinih ministarstava i ministara.

Izvještaj je rađen na bazi ranije objavljenih kvartalnih izvještaja o radu Vlade Bosansko-podrinjskog kantona Goražde i u svom sadržaju sadrži ranije izrečene, zaključke i konstatacije kao i nove generalne ocjene o radu izvršne vlasti.

Izvještaj o monitoringu rada Vlade Bosansko-podrinjskog kantona Goražde je fokusiran na analiziranje rada Vlade i pojedinačnog učinka ministara kao javnih zvaničnika i ministarstava kao kantonalnih javnih institucija.

Naši izvještaji pokazuju da prevashodan uticaj na rad ministara nisu uvijek bili vanjski faktori, nego je njihov učinak učinak najčešće, zavisio od nivoa individualne odgovornosti i stručnosti ministara, uposlenika, te organizacije i nivoa racionalnosti rada u ministarstvima.

Pri kreiranju izvještaja, kao ulazni parametri, uzeti su „Analiza 12 građanskih problema“ sažeta u dokumentu Građanska platforma, zapisnici, službeni listovi, informacije sa službene stranice Vlade BPK i ostali materijali traženi i dostavljeni od strane vladine službe za informisanje. Ovom prilikom se zahvaljujemo sekretaru Vlade Emiru Sijerčiću i Anki Ćurovac direktorici službe za informisanje, na kooperativnosti i konstruktivnoj saradnji.

Svrha izvještaja Centara civilnih inicijativa nastalih nakon kontinuiranog praćenja rada vlasti je da javnosti omogući uvid u rad institucija vlasti i iste učini odgovornijim i efikasnijim u obavljanju svojih obaveza i donošenju odluka, i da pri tome prevashodno budu vođeni javnim interesom

Podsjećanje

Vlada Bosansko – podrinjskog kantona Goražde, na čelu sa premijerom **Salemom Halilovićem**, potvrđena je od strane Skupštine BPK-a 19. februara 2007. godine, odnosno četiri i po mjeseca nakon opštih izbora održanih u oktobru 2006. godine. Još tada, kada je formiranje izvršne vlasti pratila složena politička kombinatorika, vidjelo se, a poslije se i pokazalo da nisu iscrpljene sve mogućnosti političkih dogovaranja i koaliranja. Naime, nakon sve češće ispoljavanog nezadovoljstva dijela poslanika u Skupštini radom Vlade, na inicijativu stranke SDP i uz podršku 13 poslanika više političkih partija, 18.8.2008. g. u Skupštini Bosansko-podrinjskog kantona Goražde, izglasano je nepovjerenje Vladi premijera Salema Halilovića (SBIH) i formirana je „manjinska“ Vlada u novom sazivu, na čelu sa premijerom **Nazifom Uručijem (SDA)**.


Politička previranja i smjena Vlade u BPK-u su se desila u najosjetljivijem periodu za privredu i građane kantona, odnosno desile su se u vrijeme kada su statistički pokazatelji već ukazivali na prisutnost negativnih

¹ Izvještajem je obuhvaćena analiza podataka od 28.2.2007. do 31.7.2010. g.

efekata ekonomske krize i u ovom kantonu. Dubina krize, politički odnosi na ostalim nivoima vlasti, nepostojanje finansijske samoodrživosti, sve do okončanja mandata nove vlade će biti presudni otežavajući faktor u donošenju odluka. Svi navedeni faktori ukazuju da je pred Vladom, u kojoj je najveća odgovornost stranke SDA, period u kojem će za svaku odluku biti prinuđena tražiti široku podršku i saglasnost svih političkih subjekata.

Ekonomska kriza nije vrijeme za političko kalkulisanje, a za izlazak iz nje je u ovom malom kantonu poželjno, pa čak i neophodno **političko jedinstvo** oko svih zdravih ideja i korisnih projekata baziranih na građanskim interesima, bez obzira od koje političke opcije dolaze.

DINAMIKA RADA VLADE BPK

	IME I PREZIME				NAZIF URUČI	
	FUNKCIJA				PREMIJER	
	STRANKA				SDA	
	BROJ IZOSTANAKA SA ZASJEDANJA VLADE				0/ 53	
	PROSJEČNA MJESEČNA NETO PRIMANJA				2.673 KM	
	BROJ OSVOJENIH GLASOVA NA OPŠTIM IZBORIMA 2006. GODINE					
Realizacija Programa rada						
2007	Analiza nije bila moguća zbog netipične metodologije programiranja					
2008						41
2009						61
2010						21

Vlada Bosansko-podrinjskog kantona je u period od 1.1.-31. 7. 2010. godine održala 22 sjednice sa 207 tačaka i dnevnog reda i 484 razmatranu mjeru.

Od svog konstituisanja 19.2.2007. g. pa do 31.7.2010. godine , Vlada je održala 164 sjednice u 184 zasjedanja pri čemu je razmatrala je 4278 mjera. Pokazatelji dinamike rada i učinka su vidljivi u slijedećoj tabeli:

Godina	Broj sjednica	Broj zasjedanja	Razmatrano mjera	Prosječno Trajanje sjednice	Prosječno razmatrano mjera po sjednici
2007.	43	43	853	3:56	20
2008.	57	58	1.641	2:56	29
2009	42	53	1.300		31
2010.	22	30	484		22
Ukupno	164	184	4.278		
Prosječno	41	46	26		26

Iz pregleda je vidljivo da je Vlada na dnevnim redovima razmatrala izuzetno veliki broj mjera i u tom smislu je bila jedinstvena među kantonalnim vladama. Očito je da se među mjerama nalazi veliki broj mjera o kojima je odlučivanje trebalo biti na nivou ministarstava. Time bi se Vlada mogla fokusirati na realizaciju programiranih i prioriternih neprogramiranih odluka.

Tokom cijelog mandata ni jedan saziv Vlade, **nije** u potpunosti realizovao usvojene programe rada niti je u dosadašnjoj praksi imao evaluiranje, kvantitativnu i kvalitativnu procjenu vlastitog godišnjeg učinka.

Vlada je **prosječno realizovala svega 41%** programiranih obaveza. Realizacija Programiranih obaveza u cijelom mandatu je bila najveća u 2009. godini tj. u prvoj godini mandata novog saziva vlade, kada je ispunjeno **61% planskih obaveza**. Generalno gledajući za oba saziva Vlade možemo reći da su obje radile sa **niskom efikasnošću**.

REALIZACIJA PROGRAMA I ZAKONA

Slika donošenja zakona je slična slici opšte niske efikasnosti jer je Vlada je od **74 programirana zakona realizovala svega 29 što predstavlja vrlo niskih 37%**.

Dio zakona je zbog zakonodavnog postupka koji se protezao sa tekuće na narednu godinu, prenošen kao nerealizovana obaveza čime se stvarao utisak da Vlada razmatra mnogo više zakona od stvarnosti.

Preko polovine nerazmatranih kantonalnih zakona su činili zakoni čije je utvrđivanje uslovljeno donošenjem propisa na višem nivou. Kako zbog niske efikasnosti i nefunkcionalnosti koalicija na višim nivoima vlasti zakoni nisu donošeni, ispostavilo se da je to bio ključan razlog što je značajan broj reformskih procesa usporen ili „zakovan“ već duži niz godina.

Institucija	Godina	Program rada VTK- mjere	Realizacija	Realizacija %	Program rada VTK- zakoni	Realizacija	Realizacija %
Vlada TK	2007.	Program rada nije analiziran				0	0
Vlada TK	2008.	56	23	41	22	6	27
Vlada TK	2009.	75	46	61	23	14	61
Vlada TK	2010.	131	23	21	25	6	24
Ukupno		262	92		74	29	
Prosječno		87	31	41	25	8	37

Svi zakoni koji su Od Vlade upućeni u parlamentarnu proceduru, su u Skupštini **blagovremeno razmatrani bez zadržavanja**.

ANTIRECESIONE MJERE

Vlada Bosansko-podrinjskog kantona Goražde je, svjesna prisutnosti ekonomske krize, u 2009. g. donijela 2 vrlo **kvalitetna** dokumenta:

- 1. Ciljevi i politike BPK za 2009. i 2010. godinu**
- 2. Program mjera za ublažavanje posljedica ekonomske krize**

Dokument ciljevi i politike je dokument koji još uvijek nije metodološki ujednačen, ali obzirom da je po prvi put donešen, jasno je ukazao na strateške ciljeve i prioritete po resorima u BPK za 2009. g. godinu.

Program antirecesionih mjera sa **12** konkretnih tačaka, nije planiran Programom rada Vlade, ali ga je Vlada uvažavajući inicijative poslanika i nepovoljne socio-ekonomske okolnosti usvojila 13.3.2009. godine. Dio mjera je finansijski podržan Budžetom, a nakon primjene u oblastima privrede i socijane zaštite već su zapaženi kvalitativni pomaci i zaustavljeno gubljenje radnih mjesta.² BPK je ovim **bio prvi kanton** koji je donio 12 vrlo konkretnih antirecesionih mjera sa kojima je djelovao prvenstveno u oblasti upravljanja finansijama, privredi, socijalnom sektoru, reformi javne uprave. Kao i u ostalim kantonima gdje su mjere donešene nisu rađeni periodični izvještaji i provjera efekata koje mjere proizvode.

Od strane Vlade su donešene i **mjere štednje** koje nisu polučile potrebne finansijske uštede.

Vlada je BPK je među prvim kantonima u Federaciji **donijela mjere** za borbu protiv epidemije gripe tipa H1N1 i time pokazala sposobnost suočavanja sa ekscenim situacijam u oblasti javnog zdravstva.

² (pogledati grafik u prilogu izvještaja)

PROGRAMIRANJE

Obje Vlade Bosansko-podrinjskog kantona Goražde, **nije značajno radile unaprijedila** metodologije izrade Programa rada koja bi omogućavala praćenje učinkovitosti i efikasnosti vlastitog rada. Vlada svoj rad **nije planirala u realnom obimu niti ga je revidirala i uskladila svoj Programom rada Skupštine**. Česti su slučajevi kada je iz programa rada Vlade izostavljeno čak 6 zakona koje je planirala razmatrati Skupština. Iako su oba tijela imale priliku usaglašavati svoje programe rada, najveću usaglašenost su postigle u posljednjoj godini rada, ali obzorom da je 2010. g. godina izbora ispostavilo se da su planovi uz ovakav način rada bili nerealni i preambiciozni.

Institucija	Godina	Usvojen	Broj mera
Vlada TK	2007.	26.4.2007.	
Vlada TK	2008.	26.2.2008.	56
Vlada TK	2009.	23.1.2009.	75
Vlada TK	2010.	Jan 2010.	131

Vlada ni u jednoj godini mandata program rada nije usvojila na vrijeme.

KOORDINACIJA RADA VLADE I SKUPŠTINE

Kvalitetnije planiranje i **mali broj odbijenih mjera** koje je Vlada predložila u Skupštini, ukazuju da u parlamentu još uvijek postoji stabilna skupštinska većina koja redovno **podržava** „manjnsku“ Vladu i njezine mjere. Posebno pohvalnom se može istaći jedinstvena podrška poslanika u Skupštini pri donošenju Deklaracije, zatim stavova o odbijanju zaduženju kantona i mjera kojima se unaprjeđuje socijalna i zdravstvena zaštita građana.

BUDŽETIRANJE


Bosansko-podrinjski kanton Goražde kao nesamoodrživ kanton **nema jasnu i izvjesnu dugoročnu politiku načina finansiranja**. Prevelika ovisnost o grantovima sa viših nivoa dovela je u pitanje finansiranje većine građanskih potreba što je u vrijeme ekonomske krize postalo očitije. Vlada i dalje nema definisanu jasnu politiku promjene takvog stanja, ali je donošenjem Zakona o uštedama, rebalansima budžeta i preuzimanje vraćanja kreditnog zaduženja od strane FBiH, premostila 2009. g. i time doprinijela **kratkoročnoj fiskalnoj stabilizaciji u kantonu**. Kao i na svim nivoima vlasti u Bosni i Hercegovini i u Bosansko podrinjskom kantonu je tokom cijelog mandata, prisutan problem finansiranja djelatnosti za koje je kanton nadležan. Ustvari ovaj problem je u BPK mnogostruko izraženiji zbog činjenice da je **kanton ekonomski nesamoodrživ** i da pripadajućim prihodima može tek djelimično pokrivati rashode. U dosadašnjem funkcionisanju, nedostajuća sredstva su obezbjeđivana grantovima sa viših nivoa vlasti, ali nakon duboke finansijske krizeu kojem se našla FBiH, dostava tih sredstava je bilo sva manje a takođe su bila i sve manje redovna.

Loši **pokazatelji punjenja budžeta** jačanje negativnih efekata ekonomske krize, otpočinjanje procesa sklapanja aranžmana sa MMF-om, prinudili su Vladu i Skupštinu BPK da u posljednjim godinama mandata reducira troškove i budžet planira u manjim iznosima.

Godina	Datum usvajanja budžeta	KM	rebalans	%	Broj budžetskih uposlenika
2007.	Mart.2007	32.148.882	41.985.957	131	810
2008.	31.12.2007	47.869.205	43.402.708	91	819
2009.	Mart 2009	40.967.390	38.962.789	95	868
2010.	29.12.2009	40.131.680			903
2006-2010		161.117.157			+ 93

I pored toga što je u posljednjim godinama mandata usvajala relativno restriktivne Budžete, zbog stalnog pada prihoda po osnovu indirektnog poreza i neprispjivanja grant sredstava sa nivoa FBiH, balans u Budžetu je nije bilo moguće održati bez primjena mjera štednje, **obustave rashoda** i on je na kraju mandata bio znatno narušen. Značajno poboljšanje situacije nije se desilo ni nakon donošenja i rebalansiranja. Vlada je uravnoteženje raspoloživih prihoda sa rashodima, nastojala postići stalnim praćenjem stanja i radikalnom rekonstrukcijom Budžeta. Zbog toga je samo do konca 2009. godine Skupština usvojila 2 rebalasa Budžeta i uz to usvojila Zakon o uštedama.

OPIS	Troškovi zaposlenih	Administrativni troškovi	Troškovi investicija	Troškovi transfera	Ostali troškovi	Troškovi Ukupno
Ukupno	9.591	2.252,00	1.131	9.198,70	4.279,10	26.451
Institucije Bosne i Hercegovine	2.491	709,2	216	260	1.315,30	4.991
Federacija BiH	4.868					



OCJENA FEDERALNOG REVIZORA

Od kako je razmatranje izvještaja federalnog revizora o finansijskim izvještajima kantonalnih institucija postala redovna tema skupštinskih rasprava, u **Bosansko-podrinjskom kantonu je uspostavljen znatno veći stepen discipline u trošenju budžetskih sredstava**. Ocjena federalnog revizora, interne revizije i nadležnih skupštinskih komisija je zbog uočenih nedostataka uslovno pozitivna ali je znatno povoljnija u odnosu na prethodne godine, što potvrđuje da se sa ovom praksom transparentnog prikaza stanja trošenja javnih sredstava treba nastaviti. Dodatni razlog više za ovakav pristup leži u već spomenutoj činjenici da je raspoloživih novčanih sredstava sve manje, te ih je potrebno trošiti racionalno i zakonito.

JAVNOST RADA SKUPŠTINE

Za transparentnost rada Skupštine Bosansko – podrinjskog kantona Goražde, možemo konstatovati da je u stalnom usponu i da je tokom cijelog mandata bila na zadovoljavajućem nivou. Dosljedna primjena poslovnika o radu Vlade, dobro organizovana i integrisana Služba informisanja, i primjena Zakona o slobodnom pristupu informacijama, ovu Vladu svrstavaju u red onih koje su **otvorene za javnost i medije**.

Sve sjednice Skupštine direktno prenosi radio Goražde.

Cjelokupan rad kantonalnih organa se sve kvalitetnije predstavlja i putem oficijelne web stranice, a naročito nakon njezinog redizajniranja. Vlada i Skupština su redovno **na službenoj web stranici** kantona objavljivali **nacрте dokumenata (budžet, zakoni, Prostorni plan)** dok su u fazi javne rasprave. Na ovaj način je građanima omogućeno informisanje i konstruktivno učešće u poboljšanju dokumenata koji sadrže građanske prioritete.

STRATEGIJE

Vlada tokom mandata **nije donijela niti jednu stratešku mjeru** koja bi bila usmjerena ka povećanju zaposlenosti i otvaranju novih radnih mjesta, (Strategija razvoja BPK i Strategija zapošljavanja), a sa donošenjem **Prostornog plana kasni**. Pojedinačnim projektima kao što je „**Program podsticaja zapošljavanja nezaposlenih osoba sa evidencije Službe za zapošljavanje BPK bez radnog iskustva sa završenom VSS i VŠS kroz volonterski rad**“ i programom samozapošljavanja demobilisanih boraca, je napravila dobar iskorak i pokazala kako se dobro osmišljenim projektima može uticati na zapošljavanja mladih i stručnih kadrova koji u perspektivi mogu biti pokretači novih promjena.

U Programima rada Vlade i Skupštine BPK za 2010. g. je **najavljeno donošenja 5 strateških dokumenata** koje zbog toga što je tekuća godina godina izbora, djeluje **preoptimistično i preambiciozno**. Do trenutka pisanja izvještaja ni jedan strateški dokument nije usvojen.

SMANJENJE NEZAPOSLENOSTI

Bosansko podrinski kanton je bio među prvim kantonima koji su izmijenili kantonalnih **propise kojima stvorivši time preduslove da se procedura registrovanja i pokretanja biznisa pojednostavi i skratit**³ i time stvari povoljnija pozicija za domaće i strane ulagače. Predviđa da će se izmjenama zakona skratiti i pojednostaviti postupak dobijanja dozvola za otvaranje malih i srednjih preduzeća, i **pospješiti strano i domaće ulaganje a time povećati zapošljavanje**.

Ipak teška finansijska situacija u kojoj se nalazi kanton i neizvjesnost oko visine i redovnosti dostave grantova sa viših nivoa, nije davala puno prostora ni Vladini Skupštini da značajnije poboljšaju stanje u 12 oblasti iz Građanske platforme.

	2006	2010	Razlika
Broj zaposlenih	4.273	4938	665
Lica koja traže zaposlenje	4.734	4307	-427

Pokazatelji o stanju zaposlenosti u BPK govore o dvije vrlo postojane činjenice: Prva je da na polovini 2010. g. u odnosu na 2008. g. **nije došlo do značajnog gubitka radnih mjesta** kao u drugim kantonima (izgubljeno je 17 radnih mjesta a broj nezaposlenih je porastao za 286 (5%) . Posmatrajući cijeli mandatni period u BPK je **broj zaposlenih povećan za 665** (cca 15%) dok je broj nezaposlenih **smanjen za 427** (cca 10%)!

Ovi pokazatelji pokazuju, da su za razliku od drugih kantona, Vladine antirecesione mjere dale očekivane rezultate **stabilizovale privredu i očuvale postojeća radna mjesta**. Ovakav pristup je i predviđen Programom antirecesionih mjera i zaključcima sa tematske sjednice Skupštine „Privreda i zapošljavanje“, koje predstavljaju najvažnije mjere koje su Vlada i Skupština donijela kao odgovor na ekonomsku krizu. Pored toga što je Skupština značajno povećala iznos sredstava „Poticaj industrijskoj proizvodnji“, zajedno je sa Vladom donijela značajne mjere o statusu i kvalitetnijem i svrsishodnijem iskorištenju neperspektivne vojne imovine.

Donošenje zakona o poticajima u poljoprivrednoj proizvodnji, usmjerenje poticajnih sredstava u privredu i poljoprivredu se može smatrati iznimno značajnim mjerama kojima se problem nezaposlenosti kao najveći problem Kantona ublažio do donošenja strateških mjera. Višestruko značajnom smatramo donošenje **Program podsticaja zapošljavanja boračke populacije i nezaposlenih osoba sa evidencije Službe za zapošljavanje Bosansko-podrinjskog kantona Goražde bez radnog iskustva sa završenom VSS i VŠS kroz volonterski rad. U 2009. i 2010.. g.** Ovim Programom je u BPK zadržan najvitalniji i najvažniji resurs kantona – mladi i stručni ljudi.

Problem nezaposlenosti i ostali prisutni problemi realno mogu biti umanjeni tek nakon donošenja Strategije razvoja BPK, Strategije zapošljavanja, Prostornog plana BPK, i hitnom izmjenom propisa kojima se pospješuju investicije (Zakona o koncesijama,). Tek djelimično, problem samozapošljavanja i ekonomske samoodrživosti u ruralnim sredinama je kvalitetnije riješen donošenjem Zakona o novčanim podsticajima u poljoprivredi na području BPK.

³ Na nivou FBiH je od strane Ministarstva prostornog uređenja i zaštite okolice pokrenut postupak za izmjenu federalnih i kantonalnih propisa sa ciljem privlačenja domaćih i stranih investitora. Skupštine je odustala od donošenja izmjena i donijela je novi Zakon prostoru i građenju BPK Goražde.

PLATE

Tokom mandatnog perioda plate premijera i ministara su zbog načina obračuna i povezanosti sa prosječnom platom u Federaciji iz godine u godinu povećavane, ali je nakon nastupanja ekonomske krize Vlada odlučila vlastite plate smanjiti i iznose korigovati. Nakon rasta od 14% u odnosu na prvu godinu mandata, Plate u Vladi Bosansko-podrinjskog kantona su odlukom Vlade zaustavljene u rastu ali su i dalje iako je ovaj kanton nesamoodrživ ravne platama ministara u ostalim „bolje plaćenim kantonima.

Funkcija	2007.	2008.	2009.	2010.	Prosječno mjesečno KM	Prosječno godišnje KM	Ukupna primanja u mandatu KM
Premijer	2340	2232	2673	2673	2.480	29.754	119.016
Ministri	1980	1872	2300	2300	2.113	25.356	101.424

Primanja ministara Vlade su i dalje za u rangu primanja poslanika Skupštine, međutim primanja poslanika – delegata koji su svoj rad profesionalizovali u Domu naroda PFBiH su za 46% veća. Poredeći primanja premijera BPK sa primanjima predsjednika Skupštine BPK dolazimo do zaključka da su primanja predsjednika Skupštine veća za 53%, jer je on pored volonterskog angažmana u Skupštini BPK profesionalno angažovan kao delegat Doma naroda PFBiH.

REALIZACIJA PLANOVA MINISTARSTAVA

Kada se govorilo o programiranju rada Vlade već je bilo govora da su za vrijeme cijelog mandata ministarstva planirala metodološki neujednačeno, a kao se vidi u tabeli koja slijedi vrlo različito i po obimu aktivnosti. Ni jedno ministarstvo tokom mandata nije u potpunosti **ispunilo svoje planove a najveći prosjek u ispunjenju planova imalo je Ministarstvo za finansije sa 61%. Najmanji prosjek u ispunjenju programskih aktivnosti je imalo Ministarstvo za privredu sa 26% i Ministarstvo za boračka pitanja (27%)**. Neslavne rekorde u realizaciji zabilježio je bivši ministar Elfad Mašala koji u 2008. g. ni jednu planiranu mjeru nije realizovao.

Nesklad između velikog broja ukupno razmatranih i planiranih mjera govori da je **planiranje u ministarstvima bilo nerealno** i da ministarstva moraju **planirati veće obime aktivnosti** i time opravdati razloge svog postojanja.

Koncem 2009. godine najuspješnije godine aktuelne Vlade BPK sva ministarstva su kroz pres konferencije predstavila učinke devetomjesečnog rada djelimično navodeći pored uspješno okončanih aktivnosti i razloga **kašnjenja** ili **odustajanja** od donošenja planiranih mjera, kao i promjene prioriteta u radu. Takav pristup prema realizaciji programa rada je bio potpuna novost i poželjan stil u radu ministarstava.


Ministarstvo	U programu za 2007 g		U programu za 2008 g		U programu za 2009 g		U programu za 2010 g		Ukupno u programima	Prosječno u programu	Prosječno %
		%		%		%		%			
Ministarstvo za finansije			7	71	10	100	15	13	32	11	61
Ministarstvo za obrazovanje, nauku, kulturu i sport			11	55	9	78	13	15	33	11	49
Ministarstvo unutrašnjih poslova			0	0	4	75	4	25	8	3	33
Ministarstvo za socijalnu politiku, zdravstvo, raseljena lica			12	25	11	73	22	24	45	15	41
Ministarstvo za pravosuđe, upravu i radne odnose			7	57	14	64	12	25	33	11	49
Ministarstvo za privredu			6	0	16	50	23	28	45	15	26
Ministarstvo za urbanizam, prostorno uređenje i zaštitu okolice			2	50	4	25	21	27	27	9	34
Ministarstvo za boračka pitanja			3	67	0	0	15	13	18	6	27

MINISTRI KAO KANDIDATI NA IZBORIMA 2010. g

Da je politika izazov, ali i dobro plaćen posao potvrđuju kandidacione liste parlamentarnih političkih partija za Skupštinu Bosansko-podrinjskog kantona i više nivoe vlasti. Od 13 članova aktuelne i bivše vlade Vlade Bosansko podrinjskog kantona kao kandidati za parlamente su se kandidovali slijedećih **8 ministara (62%)** :

Ministar	Stranka	Kandidovao se za	Prethodna funkcija u Vladi
Nazif Uruči	SDA	Skupština BPK	Premijer BPK
Mustafa Kurtović	SDA	Skupština BPK	Ministar za privredu BPK
Dževad Adžem	Nez kand	Skupština BPK ispred SDP	Ministar za boračka pitanja BPK
Demir Imamović	Nez kand	Skupština BPK ispred SDP	Ministar za socijalnu politiku, zdravstvo, raseljena lica i izbjeglice BPK
Alma Delizaimović	SDA	Nije kandidovana	Ministrica obrazovanja, nauke, kulture sporta BPK
Muhidin Pleh	SDA	Nije kandidovan	Ministar za finansije BPK
Nusret Sipović	SDA	Nije kandidovan	Ministar unutrašnjih poslova BPK
Radmila Janković	Nez kand	Nije kandidovana	Ministrica za pravosuđe, upravu i radne odnose BPK
Vladimir Nedimović	Nez kand	(Preminuo)	Ministar za urbanizam, prostorno uređenje i zaštitu okolice BPK
Salem Halilović	SBiH	Zastupnički dom Parlamenta FBiH	Bivši Premijer, Vlada BPK
Sevda Popović	SBiH	Skupština BPK	Bivša Ministrica obrazovanja, nauke, kulture i sporta, Vlada BPK
Ramiz Drakovac	SBiH	Skupština BPK	Bivši Ministar unutrašnjih poslova BPK
Admir Pozderović	SBiH	Zastupnički dom Parlamenta FBiH	Bivši Ministar za boračka pitanja BPK

Stranka	Ukupno u Vladi	Nije ponovo kandidovan	Kandidovan na kantonalnom nivou	Kandidavano na entitetskom nivou	Kandidovano na državnom nivou
SBiH	4		2	2	
SDA	5	3	2		
NEZAVISNI KANDIDATI	4	2	2		
Ukupno	13	5	6	2	0




Više kvantitativnih i komparativnih pokazatelja o učinku ministara BPK i ostalih nivoa vlasti sadržani su na web stranici www.vlastibih.ba

DODATAK– STATISTIČKI PREGLED O STANJU NEZAPOSLENOSTI U BPK

Tabelarni i grafički pregled zaposlenosti u Bosansko-podrinjskom kantonu BPK Goražde u 2006., 2007., 2008., 2009. i 2010. g. godini

	jan	feb	mart	apr	maj	jun	jul	avg	sept	okt	nov	dec	2006-2010.
Broj zaposlenih 2006.										4.273	4.273	4.273	
Lica koja traže zaposlenje 2006 .g										4.734	4.763	4.904	
Broj zaposlenih 2007.	4.333	4.355	4.366	4.366	4.408	4.486	4.583	4.566	4.516	4.645	0	4.642	
Lica koja traže zaposlenje 2007.g	4.941	5.035	4.960	4.960	4.910	4.886	4.814	4.738	4.375	4.383	4.362	4.317	
Broj zaposlenih 2008.g	4.643	4.672	4.634	4.637	4.647	4.688	4.849	4.872	4.916	4.955	4.925	4.925	
Lica koja traže zaposlenje 2008.g	4.346	4.320	4.208	4.151	4.126	4.097	4.130	4.060	4.024	4.021	4.092	4.164	
Broj zaposlenih 2009.g	4.837	4.874	4.840	4.877	4.647	4.647	4.903	4.902	4.934	4.932	4.941	4.941	
Lica koja traže zaposlenje 2009.g	4.199	4.202	4.223	4.216	4.197	4.097	4.228	4.213	4.222	4.195	4.185	4.231	
Broj zaposlenih 2010.g	4.835	4.879	4.934	4.947	4.943	4.938	4.938						665
Lica koja traže zaposlenje 2010.g	4.231	4.224	4.216	4.145	4.161	4.199	4.307						-427



DODATAK - ZAHTJEVI IZ GRAĐANSKE PLATFORME

Očekivanja građana do 2010. godine su bila:

- ↳ da se dotvori 150.000 radnih mjesta u BiH;
- ↳ da se iskorijeni ekstremno siromaštvo u BiH;
- ↳ da minimalna penzija u BiH bude 250 KM;
- ↳ da svaki građanin u BiH ima pristup osnovnoj zdravstvenoj i socijalnoj zaštiti;
- ↳ da se obezbjedi dostojanstven standard života na selu;
- ↳ da BiH bude zemlja jednakih mogućnosti za mlade ljude;
- ↳ da se smanje troškovi administracije;
- ↳ da se okončana reforma sistema obrazovanja u BiH;
- ↳ da se smanji nivo korupcija u BiH;
- ↳ da BiH ispuni uvjete za sticanje statusa kandidata za članstvo u EU;
- ↳ da javna preduzeća budu bolje regulisana i efikasnija u pružanju usluga;
- ↳ da se udvostruče direktna strana ulaganja;